



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

**Anr.277/2025**

**PANELI ZGJEDHOR PËR ANKESA DHE PARASHTRESA (PZAP)**, në panelin e përbërë nga gjyqtarët: Bujar Muzaqi kryesues, Hajriz Hoti, dhe Violeta Hysaj - Rugova anëtarë, duke vendosur përkitazi me ankesën e subjektit politik Lëvizja Vetëvendosje (LVV) parashtruar kundër subjektit politik Partia Demokratike e Kosovës (PDK), për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 03.02.2025, merr këtë :

**VE N D I M**

**HEDHET E PASAFATSHME** ankesa Anr.277/2025 datë 31.01.2025, e parashtruar nga subjekti politik Lëvizja Vetëvendosje (LVV), kundër subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për subjektet politike, Mbështetësit e tyre dhe Kandidatët gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025.

**A r s y e t i m**

Me datë 31.01.2025 PZAP-i, ka pranuar një ankesë nga subjekti politik Lëvizja Vetëvendosje me të cilën pretendohet se me datë 23 janar 2025, faqja zyrtare e PDK-së, dega në Prizren, ka shpërndarë në Facebook një video të kryetarit të Komunës së Prizrenit, Shaqir Totaj, me tekst shoqërues, e cila është realizuar në hapsirat e brendshme të një shkolle më qëllim të përfitimit të votave dhe promovimit të kandidatës për deputete nga subjekti politik PDK, Drita Qenaj. Parashtruesi i ankesës pretendon se më këtë veprim janë shkelur dispozitat e nenit 36, paragrafi 1 i Ligjit Nr.08/L-288 për Zgjedhjet e Përgjithshme në Republikën e Kosovës-LPZ. Parashtruesi i ankesës si provë ka bashkangjitur: CD dhe fotografi dhe video në link që dëshmon veprimin në kundërshti me LPZ.

[https://www.facebook.com/story.php?story\\_fbid=910294577944037&id=100068905102407&](https://www.facebook.com/story.php?story_fbid=910294577944037&id=100068905102407&)

Në përgjigjen në ankesë të datës 02.02.2025 subjekti politik PDK ka theksuar se ankesa e ankuesit është dorëzuar pas afatit të përcaktuar me nenin 119, par.1 të Ligjit për Zgjedhjet e Përgjithshme në Republikën e Kosovës, pasi që siç edhe vetë ankuesi e pohon, publikimi i këtyre fotografive është bërë me datë 23 janar 2025 ndërsa ankesa e parashtruar nga ana e ankuesit është e datës 31 janar rrjedhimisht 8 ditë pas shkeljes se pretenduar.

Paneli pas vlerësimit të afatshmërisë së ankesës, gjeti se:

**-Ankesa është e pasafatshme.**

Paneli, pas shqyrtimit paraprak të ankesës, ka gjetur se ankesa e parashtruar nga subjekti politik Lëvizja Vetëvendosje (LVV), me seli në Prishtinë, parashtruar kundër subjektit politik Partia Demokratike e Kosovës- PDK, me seli në Komuna Prishtinë, është parashtruar pas afatit ligjor të përcaktuar me dispozitën ligjore të nenit 39 paragrafi 3 i LZP-së, i cili përcakton se: *“Personi i cili ka interes ligjor në një çështje brenda juridiksionit të PZAP-it, ose të drejtat e të cilit janë shkelur për sa i përket shkeljeve të pretenduara të Kodit të Mirësjelljes për subjektet politike, mbështetësit e tyre dhe kandidatët gjatë periudhës së fushatës zgjedhore dhe ditës së zgjedhjeve, mund të paraqes ankesë në PZAP brenda dyzet e tetë (48) orëve nga ndodhja e shkeljes së supozuar, dhe PZAP-i, do të vendos për ankesën brenda shtatëdhjetë e dy (72) orëve nga koha e pranimit të saj, si dhe neni 13, paragrafi 3, nen paragrafi 3.3 i Rregullores Nr.01/2024 për Procedurat e Parashtrimit dhe Vendosies së Ankesave të PZAP-it, i cili përcakton se “PZAP-i e hedhë ankesën kur vlerëson se ajo nuk përmbush kërkesat e LZP-së dhe kësaj rregullore për shqyrtim, nën paragrafi 3.3. nuk është dorëzuar në afatin e paraparë ligjor.*

Në këtë rast, nga shqyrtimi i shkresave të lëndës, konstatohet se parashtruesi i ankesës ka dorëzuar ankesën në PZAP, me të cilën pretendohet se më datë 23 janar 2025, faqja zyrtare e PDK-së, dega ne Prizren, ka shpërndarë në Facebook një video të kryetarit të Komunës së Prizrenit, Shaqir Totaj, me tekst shoqërues, e cila është realizuar në hapësirat e brendshme të një shkolle më qëllim të përfitimit të votave dhe promovimit të kandidatës për deputete nga subjekti politik PDK, Drita Qenaj.


Megjithatë, ankesa është parashtruar pas afatit ligjor për paraqitjen e ankesës, sipas nenit 39, paragrafi 3 i LZP-së, ku afati për dorëzimin e ankesës është 48 orë nga ndodhja e shkeljes së supozuar, dhe ankesa është dorëzuar më 31.01.2025, ndërkohë postimi i videos së realizuar në hapësirat e brendshme të një shkolle nga ana e kryetarit të Komunës së Prizrenit, Shaqir Totaj, me qëllim të përfitimit të votave dhe promovimit të kandidatës për deputete nga subjekti politik PDK, Drita Qenaj më 23.01.2025, që do të thotë se ankesa është dorëzuar pas afatit të paraparë ligjor.

Paneli gjeti se i njëjti është ushtruar pas afatit ligjor, dhe nga arsyet e theksuara më lartë e në kuptim të nenit 39 paragrafi 3, nenit 115 paragraf 1 i LZP-së, dhe nenit 9 paragrafi 5 nen paragrafi 5.5 të Rregullës 01/2025, për Procedurat e Parashtrimit dhe Vendosies së Ankesave, paneli vendosi si në dispozitiv të këtij vendimi.

**Paneli Zgjedhor për Ankesa dhe Parashtrësia**

Anr.277/2025 më datën 03.02.2025

**Kryesues i Panelit,  
Bujar Muzaqi**



**Këshilla Juridike:** Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.